

腳板贊

曾入帝王之門。曾踏萬峯之頂。曾到齊晉雲間。欺官之署。曾走狹邪。非禮下賴之處。而不曾投刺于東林。魏黨乞食。蟠間活名。井上所以然者。脚底有文。脚心有骨。

謹菴自贊

繩父孫丈獨然虎頭之技。貌予清輝閣中時。予年四十有八。兒童見之。盡皆跳笑。予自對不覺愀然。德業無成。老冉冉其將至也。

遂初服四十五。髮見白齒漸齟。與還高人不腐舌如。

風笑一肚要讀書。恨愚魯半通。今半博古。友子瞻師。
杜甫性喜客。肯作主。酒不讓。棋堪賭。愛山水。怕官府。
奉高堂。居樂土。遲起床。蚤閉戶。任天公。皆有數。不告
貧。不訴苦。

題唐母趙太夫人小像贊

拜訖瞻貌何古。但布荆謝朱黼。骨玉疑顏春煦。老猶
稚雅未嫵。考其懿。僕難數。女邁男。閨繩武。小學嫻給。
實醜敬先生。弱修脯。貧能施。恣若取。不驕德。不詘。

翁先捐。孤是撫。母專書。母萬苦。名雖揚。茹戒吐。止梯
榮。遵縣譜。類錫慈。衆母怙。方彈冠。倏解組。日無傷。默
有主。預知幾。兆蚤睹。避趨明。廢興話。撤東江。歸南土。
心彌謙。偃彌俯。閤門祥。一婺拄。輯家人。勵幹蠱。代爲
師。代爲父。種慧因。飯佛母。羶穢除。臭根杜。悅自禪。天
岳祐。嗣服昭。袞袞補。蘭萼繁。瑤池伍。霧騰香。塵下塵。
雲鉢開。旃檀普。聞卽修。還鼻祖。

銘

五簋齋銘

請則不敢。未能免俗。留則所願。客今不速。饗或一牲。
器不破六。惜命養廉。推心置腹。天地此數。人神共福。
雖非豐腆。未嘗不足。何以將之。魯酒脫粟。何以饗之。
園蔬便肉。何以娛之。棊書碁局。何以樂之。山青水綠。

享二銘

茲何時哉。無霞可餐。而鵠形於面。無壤可食。而蚓不

充腸。予何脩得此。每三飽而猶曰。日就月將。自今以
往。做坡老意。自奉止一菜一肉。容肯過存者。亦卽告
之。而率以爲常。此不但安分養福。寬胃養氣。省費養
財。而室無勞攘。庖不忍聲。見在獲養心養命之祥。山
下有澤。君子以懲忿窒欲。蓋懲忿者。鑄其鬪勝之氣。
而窒欲者。嗇其汨理之狂。六十四卦。惟損不比。節苦
而與謙同亨。其繇曰。有孚。元吉。无咎。可貞。利有攸往。
時下自救。救人急服。此一字散。仍廣布古傳聖惠之

方。

臂閣銘

僊城攜若歸。達材成德。遂論文而把臂。我腕中有鬼。
君時時詔我。點畫一不可苟。每思古人正書。勿墜乃。
感藉手相成之誼。

竹臂閣銘

爲祁季超

竹之義。雁汗青。臂之義。得其一力。卽曲肱而擬。諸其
容形。閣之義。寧銷格而無云。我之筆。不留停。

題馮兒惹香讀書館硯銘

眼不問有無坑不問新舊月壑斲靈紫肝截繡吾生
平所親狎者墨兵管史爾不我留難則與爾同壽

時小子幼齡侍側家大人亦命學銘之漫塗日

汚之者磨踵放頂拂之者免冠以謝贈彼清泉磨

幾夙夜大人以為雖不佳亦具有作意可見可

兒今大人棄去矣追念當年不禁涕泗之浪

浪也 男爵起識

引

萍社詩選引

萍社者鳥鳴之變也曷為乎鳥鳴之變也鳥以求而
萍以合也萍可合不可散乎日合散何常隨散隨合
付之無心焉爾媚艸之粘矚也瑞蒲之腊根也石髮
之牽帶也皆族於水而不能無掛礙者也惟萍則資
化猶來鱗被漠爾菱花背日欲共友其無炎兼露為
霜願獨師其虛白萍之義有取爾也社中諸君子皆

東西南北之人亦玄釋墨兵之士語必清真調皆香
潔色或澤於茗華味更甘乎蘩藻從茲鳩合散為四
小海而聚則一大萍始稱萍有實而萍之肯乃大鳴
以此滿余常聖月兩詩長之志或亦不甚謬乎

監勦隨紀引

陽明先生用兵只至誠二字今恒岳朱公師之遂撐
西南半壁頃又得之徐亮生公公生平正大不欺即
與余奕爭先布局皆走不敗之路而常取勝余故知

費禕之能辦賊也牛屎猴芹之役地譎而人詭四省
食其毒而不敢視虔虔可以無出而當事者欲以公
出公不敢辭出四省之人肺腸曲嫫意氣橫逸公矚
之日古今所爭不過功利而已予以雪腸晶肺意白
氣平處之於是上下孚格用之鼓則鼓用之金即金
甫兩月而勦寨三十斬級三千救男婦萬命指麾整
暇凱唱恬然公從不形諸口但記其于役之次第為
今天子昭膺武為諸大吏表扼揚而心猶抑抑若以

為僥倖萬一者。子之所慎。公之所大不敢也。夫不欺者。即至誠之謂。誠則前知。誠能動物。此孫吳之秘畧。未之腐談。則不可與言兵事矣。

清課詩引

清者。天之所爭也。癡雲昏霧。暴雨終風。有以闔之。則其心不快。每見秋澄碧落。境畛愈高。天心愈杳。愈覺其真。乃知最上之物。天自取之。其中於人也。為佛為仙。為聖賢。家傳。人世有五福。而清不與。清又天之所

最吝也。金玉滿堂。持籌鑽核。肥羔美酒。垂腹便便。日作醯雞。禪虱。甕鮓。周蛆。猶方樂此。不疲。求增不減。此其故得地氣之最下。不須爭吝。人各有焉。吾友呂蹇叔。生於相國之家。老於晉人之座。帖括不靈。糠粃吐散。偶一章甫。尋即抽身。片室晤言。自覓清處。以為菟裘。蟬瑟之計。著有課詩。各艸俱從清字起見。課若塾師之董子弟。詩則老僧之作偈言也。所費不多。工夫無幾。何門不可曳長裾。一物足以釋西伯。此其胸中

灑淅稟受芬香故能遂其清也。茅山嶺白雲可自怡
悅。而蹇叔欲以婆心悲切擊磬贈人恐一時無有受
主。至王先生則領却二三件矣。感謝感謝。

紀游引

台蕩之勝入懷者廿年。入夢者幾夜。頃子姪輩向累
稍謝。偶讀駕部張肅之台游草。遂投袂而起。屐及於
室皇。裝及於寢門之外。舟及於五雲之滸。勅一書記
一童子。一庖。一管辦。二粗力。人行矣。會隣友鈕膺孺

來船。一言卽解冠橫卧。予壯其無隔宿之謀。牽衣之
態也。共行之。檢笥中得同年秦觀察一郵符。少借官
德。從娥江發。經台旣。訪括蒼。歷婺睦。順流錢塘而下。
如探牛斗畢。浩浩乎元空。坐漢槎還也。蓋玄暢於游
者凡兩月。予嘗謂官游不韻。士游不服。富游不都。窮
游不澤。老游不前。稚游不解。閑游不思。孤游不語。託
游不榮。便游不敬。忙游不憊。套游不情。掛游不樂。勢
游不甘。買游不遠。賒游不償。燥游不別。趨游不我。帮

游不目。苦游不繼。膚游不賞。限游不道。浪游不律。而予之所謂游。則酌衷於數者之間。避所忌而趨所吉。釋其回而增其美。游道如海。庶幾乎蠡測之矣。至於鳥性之悅山光。人心之空潭影。此卽彼我共在不相告語者。今之爲此告語。亦不過山川之形似。登涉之次第云耳。嗟呼。游何容易也。而亦何容易告語人也。

陳學士尺牘引

尺牘者。代言之書也。而言爲心聲。對人言必自對我。

言始凡。可以對我言。卽無不可以對人言。但對我言以神對人言。以筆神有疾。尚可回也。筆有疾。不可追也。凡尺牘之道。不可上君父。而惟以與朋友。其例有三。有期期乞乞。舌短心長。不能言而言之。以尺牘者。有恣恣昧昧。睽違匆遽。不得言而言之。以尺牘者。有幾幾格格。意銳面難。不可以言言而言之。以尺牘者。凡尺牘之道。明白正大。婉曲詳盡。達之而已矣。凡尺牘之道。妙于鄭子家。及子產。捷於魯仲連。嗚于蘇

李韻于二王。快于坡谷。而所不取者。陳琳阮瑀輩之
役使。簡文昭明。何遜徐陵輩之粉藻。子雲子厚輩之
作意。艱深細味之。如嚼蠟。凡尺牘之道。忌用隱事。一
時不解。則失機。忌用寬事。一字不帖。則貽笑。勿謂赫
蹠數語。不足矜也。余讀陳學士南宮集。自大對以至
講筵。自奏請以至題覆。莫不惻惻侃侃。憂金石而
鑄鼎鐘。至其秋痕尺牘。與人者告之忠。道之善。情悱
屏膽。張若灰箕。事勢時宜。洞如火鏡。所謂無不可對
有陳學士之秋痕在。

諸君餘北枝草引

我言卽無不可對人言者。此大人君子之筆也。其他
著述。則猶河漢而無極。吾姑以尺牘之道言。尺牘則
有陳學士之秋痕在。

予在由拳。所識拔士。俱滾滾臺省。自謂射覆可抵季
主。而獨於君餘不驗。是時君餘綺髮汗血駒也。旣予
蹶起。再領茸城之鐸。君餘又以文見。格律整嚴。思沉
學老。可以雋矣。又復不驗。君餘曰。當王先生許可而

不可。則非戰之罪也。吾何愛一進賢冠。遂棄去。帖括雅意千秋。悉其甲賦。攻詩而詩妙。自命爲北枝草。北枝者。庾嶺之梅。南枝開。盡北枝開也。余登庾嶺。絕不見有梅在。止南宗寺傍一二枝。是一解女所植者。然嶺分南北。梅界嶺上。自當分煖寒。猶之雪屋向南者。先漸。理亦然耳。詩之爲道。出于宗廟明堂者。恒不如其里人巷口。何者。春夏困人。秋冬警士。盛唐如王昌齡。李太白等。詩才非不軒舉。而一種清寒獨詣之意。

則子美而外。寧有郊島矣。君不見平泉金谷之粧乎。花錦萬開。富豪貴盛。不過艷陽一日耳。至於冰覓月魄。澹逸無求。暗韻幽香。孤芳獨賞。則那得出我梅花之上。梅有詩意。故君餘藉之爲郢鼎。北枝之梅更有詩意。故君餘腹之爲玄珠。石取瘦。不取肥。雀貴饑。不貴飽。知此二語。可以讀君餘之詩矣。

呆道人笛吹引

呆道人爲誰。虎林張平仲先生也。先生少我四歲。同

言者文館小品 卷一
官國子善歡喜善諧謔其直如矢其溫如玉其目如
電其胸腹如夏屋渠渠驟對之則愁眉化作遠山棘
腸可以虹駕刺江州者六年節度桂陽十月所在清
真愛惠民思之至泣下訪余草堂酒酣耳熱出一卷
見教題曰笛吹讀之則詩也意神澹遠骨態鮮妍味
是太玄畫則倪米絕無時詠拙捏玄晦之苦譬之天
有洩雲山有飛水自然境界匪夷所思者有是哉笛
之次乎顧道人敘笛抑抑然以牧豎自位而王子少

之曰枝遂至此乎絲出于竹竹生于肉人心一塊肉
也所以萬靈千動者爲有竅耳有竅則有聲有聲則
有律風叫昆溪者失傳龍吟羗水者不見自伶倫製
笛以至丘仲桓伊許雲封孫處秀輩各極其致或吹
回黍谷或吹落梅花或中宵走胡騎或愁殺路傍兒
或噴薄而開兩崖或震裂而滾千石或見車馬之隱
麟或譜廣寒之清越豈不器中形道而總之不如牧
豎之吹牛背前村夕陽西下荷蓑荷笠第五橋邊劃

爾一聲天耳爲之碧落無端幾美剪雀可以破秋此
子規之最先一血嬰兒之墮地初啼也不聞蒙氏之
言笛乎人籟不如地地籟不如天也不聞老氏亦言
箇乎有欲以觀其竅無欲以觀其妙也伶倫諸公皆
竅也而牧豎則進乎妙矣日鑿一竅混沌將死呆道
人叅究至此哉王子曰余讀其自敘如曼倩之自責
乃自譽也道人乖極那得呆

吳越集小引

有腐學究泥親在不遊之說惟局促老膝下辦菽水
耳寧解不遠有方四字明開弧矢志士之途蓋近則
寢食可聞遊而有方則晨昏可達亦達孝之一端也
豫公歸省慈萱以便棹數過三吳尚悵悵以倚閭負
我余慰之山川文物三吳爲最及水陸錯珍可以函
稱觴而名筆名詩揚親攸藉無論其棠蔽市攀援
及意者咸歸本于衆人之母卽雲棲以北金焦以南
踵出大士叅宗承教歸報太君奉佛甚知必嗚然禪

悅豫公胡悵悵爲余當請于太君以共慰豫公也。

海嶠雜詠小引

余嘗謂心司火其味苦聲亦自苦發之有杜之苦斯有李之甘耳豫公屢遭坎壈泛洋泊島此亦夜郎之太白夔州之少陵也性愈辣口愈蒼傳官刻羽大抵其從苦得但高處沿海多商舍鷓夷而訪剡子一登孔望虞夏滄桑眉睫間事蠻觸又奚足之蓋其目空千古膽壓九州歡喜之種煩惱風除不僅邀準提之鹿也惜存將母不克結廬其上遂使雲臺鷄犬天半傲人余向神往海嶠讀豫公雜詠御風冷冷安得假曩者豫公之筏渡我迷津以登彼岸而踵夷尚之踪以怡老也耶

止詩集小引

余嘗自選辟園稿曰擬存未敢以存自信也矧今者迹熄詩亾而操觚家藻緝濫觴誰爲礎砥敏一是以有止詩之集止矣何詩說在尼父之解良言賁也言

聖經定後之慮同旨也。夫既謂不見其人而猶必行其庭者。卽行卽止。思但不出位耳。豈枯寂之冥其慮哉。既謂文明以止而必極化成於天下者。無處不行。卽無處不止。人文莫賁于是。若兀坐一室以語止。且陋奚能文。乃今而知以止喻。不若以非止喻。止之爲得也。慮起于定。慮始精深。行遍天之下。一庭也行。遍庭一皆也。靜靜寧容。岐之。行行且止。以待採風者。卽余擬存意也。敏一悟本宗門。試問舟泛鏡波。月移花影。爲無所住而生之心乎。抑常住之心乎。請作止觀以教我。

題詞

題聖教序帖

聖教蘭亭一畫一直皆爲法祖。或退藏作楷。或舒擴
題顏。皆有把柄。所謂無小無大。從公于邁也。但聖教
不若蘭亭。何以故。脩襖一時酒興。伸帑直書秀逸。爽
亮直是學士大夫風韻。若懷仁所集。未免隔子影孫。
餽何湊泊。至肩寒肘東。雖清帶寡。終有和尚氣耳。又
其中不成字者甚多。如凝字林字譯字等。定不出換。

驚手也。

題徐文長花竹手卷

天池開口梅檀落筆錦玉。其牛衣雪臥時。無所得酒。則寫生數種。換之後之叔敖。俱藉爲活計。此還是捉刀人狡僧。猶蘭亭定武本第一次也。

題徐慧姬卷

以人所憐者而復憐人。又乞憐我之人而憐我所欲憐之人。情乎色乎。長轉相借。亦婦女中之微生高矣。

雖然微生高亦大不易。世有指水盟心。投弓刻臂。一遇虺虺當前。拋而去之矣。則徐姬之急友。雖爲情色。尚亦有古道哉。

爲楊仕任題坡公小札

端明書劄質樸簡悉之中。自有文章。片紙隻字。價重雞林。如是幅。皆玉堂粉箋之剩。吉光片翠。望之眉青。可喜也。然其用筆。每每側臥取態。體似貴妃。不知者。謂難辭墨猪之誚。此未夢見孝侯廟碑。脚汗作何氣。

耳敢輕訾公哉。仕任得此。日向蕉桐几下。焚檀淪茗。展玩數過。亦覺涼風習習。生一飜韻致也。

題朱叔子花阡

朱叔子有色香之癖。其表花阡也。當與瘞霍銘同參。美人爲黃土。何況粉黛假。叔子得無着相其間乎。是不然。市駿者市其骨。死馬價高。活馬至矣。焉知花神不作。黎丘玉魚金盃。山在人間。東方白矣。事未可知。則仍當置守塚三萬戶也。

題長兒槐起扇頭

槐兒年三十。冢婦共之。乃自佳事。子黻我佩。所不敢望。當此亂離之際。得舉案偕老。爲田舍翁媪足矣。七十二年。謔老書此便面。

跋

重脩東粵閩司跋言

余偶游五羊得交閩伯建明馬公折節之後尋往報
 謁巍乎與哉其堂皇署廨也則為之相度非有大力
 不至此已而曰有大力者必有大心方可閩伯出迂
 語及輒曰分所當為耳嗟乎大人君子之言其見遠
 哉官如傳舍此陳言也至於傳舍之傳舍則又不待
 於言者矣初至之日藉墜塗脩葺而且橐之及瓜將

去。棧題炭屨。析爲薪矣。可勝嘆哉。余每領一官。必東
西益宅。或構一精業。自怡不韻之僕。笑曰。主家無此
大鑲。言不能扛去也。予姑應之。亦我三萬六千日中
一日之享。僕但啞啞。今夫宇宙除四水外。一大空地
也。城郭官室。必有作者。不有作者。伊何寄託。前人種
樹。後人落實。飲水思源。見子求母。使作而肯因。因而
又作。燈燈相續。傳之無窮矣。始皇築長城。亦大英雄
之作用。使漢唐宋至今增脩。未嘗不爲萬世之利也。

愚公移山。曾柱智叟之口。郭泰掃舍。足形毀寓之倫。
然則閻伯之心力。兩竭。豈止爲觀美永久地哉。人臣
視國如家。官一日報効朝廷。一日如閻伯者。謂之公
忠大臣可也。

陳仲公河上賦跋

大天之內。鬼神所治者。有三十六洞。此外如暑空之
在大澤也。以予所游。林屋。華陽。明寒。龍鼻。玲瓏。華蓋。
白鹿。寶仙等洞。各有各致。不意又有河上一洞。予讀

姻友陳仲公之賦。判奇剔怪。滴乳流雲。若古琴叫響。潮籟轟雷者。恍然神醉之矣。仲公績學。不求人知。而此賦一出。遂長正平之價。傳次梗之才。安敢不遜心。此道惟是天下。兵興無可逃。亂此洞異。時作元結。猗玕未可知耳。

黃帥先手卷跋

桃源惟三代人住得。惟晉人記得。惟唐人歌行得。今日何人講起此話。金谷牡丹。是其夢寐。春明圍溷。實

所歡場。見嶺卽嫌其高。逢塢便愁其僻。忽一帥先。几案武夷。猶謂未足。而更闢一桃源。食五穀而又想六穀。飲六齊而又思九齊。此饕餮於煙霞者也。帥先住之記之。而曹能始歌之。孫子長行之。又令王季重跋之。滿幅桃花綠。天紅雨。一馳意車。竟迷精往矣。孫與公之賦天台。有以哉。

聖教序帖跋

是帖爲次兒壽起所藏。雖非斷碑。猶在井底之上。亦善本也。

學黃庭而不似。猶畧有邯鄲學聖教而不似。則徑如

章亥矣。善易者不言易。不可柳下惠。方可以下惠。眼
不明。膽不決。不必讀書寫字。兒輩存吾一語。

跋枯蘭再秀卷

為如臯李道生

不佞方為展禽之草。巧風吹活。道生出此卷。看將毋
信而矜之。然此蘭道生之蘭也。未曾當戶。一日剪忌
何來。吾不惑其死而惑其枯。要亦倩女之離。維摩之
寂。老農戶之尸。南郭子凡之喪。而趙簡子帝所之醉
也。大凡物能自主。則方死方生。方生方死。皆聽其離

奇變幻。若只雙蒙之民。祖洲之國。其艸其竹不死耳。
不死何趣。能死而不死者。乃真能自主者也。必曰煖
鄒子之律。發王者之香。此富貴作緣事。又必曰有菴
有杜。本立道生。此名字依合事。李子拂然不屑也。湯
義仍曰。情之所至。一往而深焉。知蘭不以李生為柳。
天地大矣。豈在此。

焦山瘞霍銘跋

銘在焦山崖下。予過之。正值水旺。悵然一咏。不得捫

也。然文字兩無取，只可謂存古而已。亦不在石頑水
泐不審宋人，何以詡恢至此。此本吾家弇州所補，版
冢孫玄照惠好，遺我名碩，珍藏焦山，第可存羊，而令
州實爲鴻跡，付霞兒其永之。

不。亦。可。謂。存。古。而。已。亦。不。在。石。頑。水。泐。不。審。宋。人。何。以。詡。恢。至。此。此。本。吾。家。弇。州。所。補。版。冢。孫。玄。照。惠。好。遺。我。名。碩。珍。藏。焦。山。第。可。存。羊。而。令。州。實。爲。鴻。跡。付。霞。兒。其。永。之。

紀事

勝會之難

猶憶崇禎癸未年八月望夜，予與兒師吳竟宇、翁文
瀾、門人趙孟遷、兒槐起輩邀月於家門之外。時天空
碧洗，流水無聲，但餘桂馥撲筵。心謂此樂，再得廿餘
年亦爲快事。第恐我無仙骨，福不可常耳。踰三日，姻
友徐耳猷、姜箴勝携友呂華池等過，余水閣索醉，箴
勝無端說起此閣，被老天殺受用已久，應讓我輩。余

心惡之不怪也。亦謂世事無常，有何經正。不意親見
建炎慘毒。自此戎馬棧堂。糗澠尺積。桂必作薪。月當
無彩。始信天地大寒。暑逃之不得也。

太歲之犯

醉李黃葵陽先生。欲有所構。元旦伐竹於園中。掘出
一塊活如猪腎。腥不可聞。是年先生不豫。予年姻金
嶧桐儀部。新屋於顱後。掘井堪輿阻之。不可已。而得
物如羊鼠者。然儀部亦卽不豫。說者俱以爲犯太歲
之忌。總之陰陽之理。不可全信。亦不可不信。非有大
德大福。不能勝祥。敬慎无咎。易言之矣。所謂寧可信
其有。不可信其無也。

風水之驗

偶過維揚。西門閑步。見萬畚千鍾。開濠甚力。同行內
親孫椽言。係楊軍門之令。軍門何人也。內監楊顯名。
寵于先帝。使之督漕。兼得統轄文武太守。叩謁不
起坐。其橫無比。予因相其原隰。則蜀岡掘斷矣。亟語

西巫係通
郡來脉

人剗論

禁止採掘

甚益心也

願諸同志

相守毋效

獨圖徒詫

其言之驗

可也

男馬起識

鄭超宗諸公速往阻之。而此輩方以為德。予要之不
及十年血濺邦溝矣。竟如所語。吾越龍入城。由朱亞
峰以及西巫應家山過脉。屢為土人宦家貪取石灰
之利。專在此諸山燒鑿。蓋山正傳秀之地。灰細而堅。
功省利倍。十年前掘深血見。當事不安其位。縉紳俱
受其殃。再或不禁。屠城浸國矣。予與錢相國力持之。
捐金買山。得暫止。予往粵游。相國仙逝。又被豪姓公
偷開鑿矣。奈何。

說

蔬筍說

世人嫌貧賤。我曰不能貧賤耳。吾夫子讀易至老。
而方知富不如貧。貴不如賤也。吾昔卜地。走萬山中。
得飯一庄。戶芥湯佐筍。其香甘飽。妙肉何敢望。已而
得一肉。各分半。歲戰猶未勝。肥瘠也。後游天都。及東
粵。無器不肉。無肉不膏。求其一蔬一筍。若拔厥筋骨。
手解人以小蔬片筍薦。吾感之。刻骨鏤金。而肉食輩

苦惱之後。亦復大索。則人性不甚相遠矣。戚畹周奎。積中賚於炕洞。引予看之。曰。惜福。予曰。何不散之。闖賊入。易服而逃。怨家跡之。以告邏者。夾腦斬腰。獻太子不貸。雖欲為貧賤不可得。則信乎。蔬筍之味長也。

騷

騷

招則陽些

則陽者。新建伯王先通之字也。初為錦衣衛千戶。伯名承勳。號瑞樓者。胤斷。有不明之子。欲冒之行。萬金訟闕。命中府會議。再四。幾為右袒所奪。久之不決。行原籍察勘。取眾鄉紳公結。而予為之倡言。執筆。繼伯爵者。凡以繼。文成也。非繼承勳也。若繼。文成。則當繼其信。不當繼其疑。先通既係

文成之孫。可以襲錦衣。卽可以襲伯爵。朝論遂定。李賊犯都城。則陽禦門不敵。被執。罵賊獨怒。乃受害極慘。極毒。予心怏怏。以爲自經者。溝瀆之智。刑死者。晷痛之囚。共一死也。何如。則陽之毅。且正哉。其降者。逃者。求不死者。勿論矣。初瑞樓公與余序宗譜。稱雁行。而則陽執猶子之禮甚謹。亡妻楊安人。窀穸則瑞兄題主。而則陽祀土事。予觴之。擘擘閣上。恂恂然一處子也。不意其臨大節如此。吾

宗有人哉。作楚些招之。

甲申三月。日烏天裂。闖逆逼

主。無人鬪格。倖者完

尸。狗子臣賊。爰執新建。挺然抗節。大罵大恫。向逆噴血。兇銳正鮮。先探厥舌。斬首取心。祭旂澆鐵。嗚呼痛哉。嗚呼壯哉。英忠萬古。何在形骸。七尺已矣。竟其歸來。予不敢借靈。上帝以意招之。招曰。龍山秘圖。發

祥爾祖些。理學事功。文章節義。絕今隻古些。帶礪分茅。食新建些。維子另蔭。戶司隸些。昂藏願秀。風裁勁

些瑞雲樓圮。廣血爭些。傳信可也。不傳疑些。繼文
 成也。非繼勳些。鄉筆予主論侃侃些。雙鯉歸美。予不
 任些。漕鎮已復。可伯續些。胡然。國破被賊屠些。竟
 今歸來。人孰無死。病死樂死。水火死些。死而死矣。孰
 若子些。竟今歸來。闖仇釜夕。為汝烹些。燕京貂穢。汝
 無家些。竟今歸來。春洫慘幻。不可鼻些。渤溲塵碾。入
 炎風些。層冰峨峨。凍拆膚些。溷礫苦泉。不可酌些。人
 肉笛任。不可啖些。蝎狐惕寐。鼉貳如箕。居難處些。竟
 今歸來。踢涿騰瀛。太岱青些。黃河一線。長江思些。三
 吳頃刻。兩淞到些。家山清遠。鏡流媚些。虹駕萬安。舊
 府廠些。芳塘翠竹。桂月團些。竟今歸來。縱金擊革。樂
 奏舞些。炙鴛魚鯉。薦錯珍些。笋如切玉。芟翻雞些。楊
 梅櫻藕。香濺牙些。越羅吳綺。有奇溫些。蛾眉巧笑。美
 目盼些。畫船簫鼓。隨予適些。風恬日美。雲霞蔚些。巖
 秀壑流。山水佳些。竟今歸來。無四方些。四方之物。非
 我族類。其心異些。竟今歸來。返故鄉些。亂日橫貪。今

僞學門戶兮破長安。無可奈何兮求軀完。桓桓新建
 兮虎視。罵賊而死。一人兮苦萬拚。冰玉剖肺兮硃砂
 肝。聲如鐘磬兮氣同蘭。如子之死兮死誠難。神騎赤
 鳳兮跨青鸞。遨遊八極兮俯雲端。竟兮歸來。吾里吾
 宗可團圍。無使悵望我心酸。

賦

一 彈指頃賦

余年六十七賦此志慨靈修美人善鳥香草套之
 騷不欲也。生文澁字眩目。初心套之廣選不屑也。
 空詞極古。然多擬議。次便果博。亦效艱深。所言不
 能出所意。即余之為此。豈掃舊窠。獨存胸臆。自紀
 老大之無成。又感時命之自迫。留此一卷。閱之枕
 中。子孫有許。勝者。尋吾平譜。一一味之。亦大有動
 心。恐性處不則。束之枯笈。發聽其毀殘。不以示人可
 也。

帝少典氏之苗裔兮。祖其可知。遡黎陽令為始。上繫
 神曆。旃蒙大淵獻之年兮。惟涼月吾以降。考縣壺都

塵盧洪冠肆之舊址。今唐太宜人兆庚斗投懷而舉。
益開天兩電射瞳矐。今羗啼聲來九霄之霍曉。能笑
解指之無兮。能言滕外傳而領經。視梨栗如塊礫兮。
對孩鳶戲馬。以生憎覲江陵輦。上傳呼之厲兮。擬欲
與之爭道。分席而班荆。考向王門曳長裾兮。余乃
侍之至血木。獲撫頂于明德之近溪兮。又親炙夫函
史之潛谷。曾跨從姑漏天之一線兮。復濯魄於麻源。
穀洛闔之雙瀑。旣簡練揣摩以藝成兮。還京求自試。

而甚媚於儕偶。每鏗銳樂居錚兮。遭但子衿作循堵
之走師。葵陽與元冲兮。更得太冲林宗必大爲益
友。讀書於京西罕山法雲之寶地兮。因叅三幡雙樹
之止脩。有松龍矯夢騎之。而天飛兮。覺蓬風在兩腋。
以颺颺。徐濫雋於賢書兮。叨聯翩次南宮。諸名宿之
後。是時綺鬢看花。走玉河之上苑兮。樓頭少婦問此
郎誰。孰年幾九。尋給事於版曹兮。嘗入赤龍排閭闔
而承。旨飽大官之漿臠兮。得縱觀乎承明。盼詣竦

蒼林園之宏斐。歸從馬首挹諸。陵兮。覺翠微佳氣。
鬱芴之騰起。年非牧犢而大司農為之求凰兮。乃締
姻於方城之閥族。連洞房於金榜兮。謂其人室邇可
如玉。乞休沐以完娶兮。大集簪纓於襄城之堂。同人
三百。介春酒而遞相酢。既潘輿思故土兮。獲餉差而
乘傳。憶餘皇發潞河兮。簫鼓引雙親錦旋而健羨。掃
松楸治三徑之荒兮。又強半受南陽之蝕占。北行謁
選使為令兮。筮得漢京之茂陵。輒問途於往哲兮。循

班彪潘岳之二征。考曰汝少斷不若老智兮。市兩蹇
而携之。辭春明而入天雄兮。過恒山望王屋之崔巍。
玩黃梁之磁枕兮。瞻淇竹之青漪。拜武穆於故里兮。
肅蘭相之舊墟。經周洛而思九鼎之重兮。封函谷而
壯一丸之泥。驚太華之障天半兮。度山河百二之秦。
關記雞鳴發渭水兮。午夜入槐里驟稱官。繻猜父老
以相視兮。吏人見露綬各咋指而心寒。會操刀兮。卽
割指不傷兮。口如流水之決。以好惡從民兮。三輔質

成咸謂哇哇神斷。競遠來而近悅。主漢武之祭飯。今
哈楊環之粉襪。訪回文之寶錦。今摹多寶之顏榻。已
花滿而雉馴。今報我萱之不豫。踰法氏而跣滹沱。今
恨太行。迢迢之不鋸。悲我生之獨孽。今偏飲恨於終
天。痛讀禮在苦塊。今還讀律以相兼。倏改火而補姑
孰。今阨一令使六年。拒璫稅以障股。今威行礦慝之
株連。鞏官扞於不鏹。今築楊壩之闐闐。吊李白於采
石。今登謝朓之青山。申循卓之兩最。今剡十九而樞
冠玉笋之班。忽宵小中以飛章。今予冷曹。猶復奪幕
之晉日。鞭蹠。今歷塞坂而九折。冒易水之寒風。今笑
白衣冠之送。無劍術。臥紫荆之天陰。今憶已已。□驟
之闌入。望牧廣於雁門。今捫嬰日之英碣。有眇君子
同里。作生貴。今反值節。鉞以他鄉。而洽浹。餽冰魚以
侑燈。今餞我古清涼。而看萬年之雪籠。天花兩本以
椿遺。今祝金蠶如芝之平格。正優游於故里。今又量
階夫。繇奉破花詭。以繇劑。今遴顧氏振苦之助。田逢

心盲生捩之漕豕兮，強吾民裹糧迓兌而覓之船。同
事皆虎爭於京口兮，今覺余螳怒劣。撇獨脉氣悻直之
續。噴櫻厥白簡之膚銀兮，更三黜於我何有焉。甫拂
袖而渡錢塘兮，民祠之配赤水。且暮侍大人之几杖
兮，似承歡無愧以燕喜。命余之括蒼脩執好兮，紛探
剔乎台蕩。醉仙巖以號鼎湖兮，便探三洞而窮千嶂。
撻雲香來供水菽兮，考又懟其縱游閑而虛生旺。勅
書劍使待詔兮，載領幕於東藩。僑歷山之講院兮，掬

洶突之清瀾。問于鱗之吾黨兮，三匝華不注以回旋。
偶同籍在獨坐兮，時置酒以高會。不欲其雀立雞羣
兮，乃促之吳門看馬而登岱。擁襪日觀遲石雞兮，日
已漾金而下方仍漆味。徘徊闕里謁吾夫子之二
宮兮，聽金絲隱隱之出壁。瞻吳道子古像之恭安兮，
又幸日左文手植之老檜。拜瘿項之子輿兮，摩古嶧
之巖榻。經郟子之附國兮，宿鍾吾之故宮。駭黃淮之
入海兮，又顧慮山陽之四衝。此楚漢所必競兮，何當

千萬禩喉願榮衛之恒通。入廣陵而領其清淑兮。翫二十四橋之明月。訪瓊花與梅閣兮。笑迷樓水殿之狂拙。汎金焦以望沃洲兮。步甘露崔林而禪悅。飲惠水而冰肺兮。登虎丘忽推動生公之石。浮太湖之浩瀚兮。踰莫釐縹緲之巖嶽。僕夫告我以適歸兮。無徒悲屈阨而賦遠遊。亟振翰至家庭兮。喜華髮云雖玄霜尚始秋。悼西河之枯管兮。數實爲之。夫二三子何尤。強言咲以慰吾荃兮。謂螽斯可以咏木樛。洵需次

之腹瑞兮。雄四舉而珠玉之盈眸。乃平淮夫司李兮。宜春馳檄以佐憲。考趣吾前束裝兮。蹠進辭而矢愿。堅抗牒以丐休兮。謂草露燭颺之零。法遂溫清至武齡兮。突覆幃之灑霰。僅視合而封土兮。雖號松泣栢何贖怨。已祥琴之流駛兮。復鋤蕙者不容當戶之暫留。逐三日之遷客兮。共箕貝而黜之幽。業誓墓以初遂兮。構草堂於芳樹。聊齊物於是非兮。又野馬夫人世永。樗散以疴臥兮。不意皇綸之錄廢。推轂亦有

已知今謂許巢。奈何逃唐虞之際。乃自理而得白。今仍量鑄之實。環賜悲時。命之終謬。今又有西湖媚冊之牽。茨砢礪完。而水落今甘。就鐸於雲間。三泐九峯。既舊好。今又夙交。玄宰眉公。數往還。陟北雍。而溫車。攻之星鼓。今叨領藏器。分獻夫廡。賢老名宿。於數字。今半知交。於四天。性不樂西笑。今請南冠。而予繕部。昇視權於鳩茲。今聽木客之自爲賦。亭識舟以望岷。天兮。每寄情於頭屑中之毫素。詎畏壘之尸予。今歲

鐘鼓而聚醕。文亡害以陟郎。今帶始花。而長屯翁僚。遇以前輩。今時杯罍殊禮。而閭閻快天界之森舊。今諸巨老。願與之爲羣。晉臬憲而謔速化。今簡握兵於楚尾。府開九派之上游。今得大目匡廬。與彭蠡值流。氛之豕突。今黃梅夜包泣。而求吾之一旅。俱吾君父之疆場。今敢一此而一彼。爰督師而往。援今擇膽勇。而授之礮。遂殲厥魁。以潰走今。一夕解孤城之縛。旋敲鉦以澄江。今慰吾人聲。喚之過驚。內斬黃之依保。

今又擘畫儲餉之虛盈、正蒿目以捫虱兮、告考功氏
復主有擊鷹、諸臺使重其一去兮、會巫咸叩闥而鳴
其不平、六軍投戈以闕叛兮、齊民揭竿走而僦僦如
富。關。坐。僞。學。今。久。與。之。爲。柶。鑿。釋。蚤。負。如。魚。縱。兮。甚
感塞翁得我之福、樂過石鐘而讞鄴、渤之記兮、經芝
陽而覓轟斷之碑、取玉斗以避江漲兮、豈城門有血
而萬家一刻、歷陽之墟笑求安而得危兮、此又章子
厚所爲、至亭步而眺太末兮、覺吾浙山還秀、盡釣臺

夾壁造雲兮、卽猿啼鳥語皆高勝、生入西陵似玉門
兮、得瞻祖廟如拜家、慶理久、霍之田疇兮、滋猶存之
松菊、善機婦之禦冬兮、聽兒書之朗讀、或釣鮮兮、鼓
枻或烹鷓兮、招局或緩步兮、當車或陸處兮、非屋或
展藏笥兮、驅蠹魚或寄嘯咏兮、代絲竹命雞犬兮、半
仙分圖書兮、不俗似太古之小年兮、永山青而水綠
詐時事之日訛、致民生之日蹙、
內訌而橫躡兮、
又盜賊四起而紛碌、地欲毛而天拔之兮、水旱蝗並

至吾欲食而無粟見似人者而喜兮父與厥子迭相
肉此亘古之所未經兮亦史傳中之所未矚吾既速
貧而願速盡兮恐事不可知一旦大節臨而命豈可
以苟續亂日已矣哉美好曾幾何時兮引鏡亦拊心
而自疑未成功退兮未立德衰兮老冉冉其已至芳
菲菲而不敢虧天下事猶若可爲兮少壯各努力無
若余一彈指頃空嗟咄而班梨

空雪賦

崇禎庚辰上元後二日招同二三十登錦青樓看
雪幾五尺矣兒子壽起請賦如天池先生不得敬
擬作此

竦霞爭媚天公弗怡白雲進侍爾其庶幾卽疑爾幻
霧又執迷乃命西虎發我雪師下方絢惡爾往質之
更極寃暗爾往昭茲弱凹強凸先以平其不平積垢
陳污亦使潔而與潔知者以爲權輿化工不知者以
爲陰陽相脅春秋考異太歲正在庚辰箕畢生成分
野誤投吳越爾乃耐鷺擘鵠利天下卽起一毛斷糲

散糶富十室。且有萬斛。如海飛濤。似川赴浴。混團元氣。編鋪地軸。南宮米老。圖難墨氣。之流。小李將軍。畫愧綠青之俗。驚廻霍夢。真妬我而生疑。吠動犬聲。又先笑而後哭。亘長天以一色。破人世之異同。標不夜以貞明。省豪奢之膏燭。等而下之。狐鼠不得公行。又其甚者。蝗蝻自此盡伏。然而馬蝟堪愁。婦嘆於室。東鳶土臥。誰啓其蟄。陽春難待。於崇朝。高歌豈可。竟七日。願對映此殘編。聽簷漏之鐸滴。

倒撐船賦

渡錢塘入會稽。景物異聞見。竒有舟尻進。一夫典之。編箬蒙目。搖兀亞伊。隨波上下。恬而不歆。其鼓未喻。乃問虞姁。此舟何名氏也。越大夫逢。同出曰。此所謂倒撐者也。在昔我先公。少康之庶子。長有澤國。剡木爲舟。剡木爲楫。視履考祥。其旋元吉。隻篙獨櫓。深厲淺揭。博求濟衆。寧倒行而錯施。進取將來。故去順以效逆。輕兮汎兮。斗支天上。乃張騫八月之槎。神兮遠

今。奎。下。雲。中。實。王。喬。雙。闕。之。鳥。可。坐。可。眠。亦。几。亦。席。
安。踰。駕。肩。之。乘。求。止。備。於。一。人。便。似。市。口。之。驢。省。更。
繫。而。不。食。虛。觸。無。心。託。轉。萍。於。閑。梗。幽。清。有。韻。摘。片。
辨。於。香。菡。載。物。也。而。或。相。什。伯。容。人。也。而。恰。受。兩。三。
但。能。活。我。以。升。斗。之。水。卽。堪。從。君。於。蹊。間。之。山。爾。乃。
确。犖。源。塢。嘗。歷。艱。苦。閣。不。能。約。橋。不。能。阻。駭。盪。陸。之。
寒。界。救。暵。死。之。夸。父。大。風。有。隧。旣。已。鑽。之。彌。堅。沛。然。
下。雨。尚。不。愧。於。屋。漏。招。之。卽。來。應。可。隨。叩。或。得。主。而。

有。常。亦。用。人。而。求。舊。而。此。輩。名。號。甚。尊。身。心。多。暇。檐。
端。借。宿。自。謂。與。人。無。爭。蓬。藁。而。行。一。遇。得。時。則。駕。長。
乎。爾。以。一。日。殷。服。事。於。三。分。初。亦。嗷。嗷。後。則。忻。忻。疇。
好。疇。惡。吾。畏。其。不。饒。月。旦。之。口。母。虞。母。詐。喜。對。此。無。
懷。天。葛。之。民。至。於。縉。紳。先。生。高。閑。君。子。規。避。市。囂。颺。
脫。衫。履。姓。名。願。沒。世。無。聞。而。日。嚴。十。手。所。指。含。章。可。
貞。斯。焉。是。取。是。以。訪。客。帶。游。醉。歸。堪。夢。僕。從。不。勞。朋。
友。與。共。戶。庭。忽。到。篝。燈。誰。送。人。生。茲。土。覺。亦。受。用。若。

夫月中長笛。雪裏孤篔。春山雲起。秋水碧波。樂矣未
與。傷如之何。點染圖畫。此舟實多。卽其媚竈。徒扛包
茅。一把黃梁。香熟柳前。松下或佐子鮮。或揮伯雅。倍
較加飡。腸也瀟灑。於是大夫賦畢。爲便適之歌。歌曰
君騎馬。今我騎牛。君愛龍。今我愛鯪。不向此時。支半
日。更從何處。覓扁舟。扁舟今倒撐。餘皇今萬斛。願隨
少伯。爲湖僖。不羨大王之木客。

大爺賦

越人從事之總號也

黃太釋曰
讀湯
仕籍賦五
輩多一官
矣讀王山
陰大爺賦
吾輩又恨
少一官也
噫吁

碧空僂蟲。耗蝕元氣。更生佺黠。牛間斗際。妄大子雄。
蟹行蜂視。蠕蠕都門。薨薨菜市。螟蛉似續。棋盤分置。
共囊一筆。各銳一刀。小智挈半甌。之醋粗文。行三脚
之貓手。雖生段草。亦多包間。鹵莽者決裂。終僥倖者
逢遭。爾其狐叢也。必名刑兵。賦之曹虎。負也。又駁糾
綱紀之側。物始有封。咸以正缺。缺不繇官。可進可脫。
官卽是我。自叅自撥。革條初厲。一生二而二生。三減
例。遞嚴萬取千。而千取百。或窶身而巧。或澤顏而拙。

或高坐而稱長。或勞寫而猶貼。或懷刷而久語。或郢書而燕說。或執詞以難楚。或假道以謀號。或盟會以引邾。或醲昧以築薛。隨其所據之力量。無不相通之血脉。若夫蛾能影射。旆解招搖。欺木偶之畫諾。慶尸祝之代庖。窺醉飽厭倦之隙。乘移花接木之交。肘忽動而足上。心對與而目挑。扶之植之。卽楊朱而翟墨。案之抑之。遂海錯而山肴。是以其儀不忒。其門如市。念時乎不再來。誰浩然而養氣。不知其向。雖奏書撞。

則太歲。帷坐皆張。烏之羅。飲食乃醜。人之具。方便必等之。脩行仁義。固所以爲利。豈當該之。真箇徑衙門。而稱做賺。愚僮父。謬讀郁郁乎文哉。若遇明公。我謂斷斷兮無技。然而飢多咽少。僧去寺存。君轉徙歲月。若長老子孫。收墾或圖。夫鄴令。削押且弄。此田嬰。故其科不廢。其道必行。尋常攫中人之產。較量無下士之爭。貧者倏富。富者驟尊。此猶在準繩之內。而未大離于丈尺之經。若夫厥額似錐。厥膽如瓠。天有網而

言疎海無航而竟渡止一快于兔營且無暇其狼顧
則有刻印銷印買官賣官廣選章之強半保計冊于
不刊墨隱方諸之淚字迷獺髓之癩年朔何嘗繇
帝號月旦無所藉官銜乞青目而民社將疫纔白丁
而章甫忽端法求諸竟似多滅頂之凶籍煩有徒盡
得不死之藥除浙省之無如遍海宇而宦却非山卽
會仍影名號於世家或吏及承都改出身于太學至
於邊急癸庚屋仰甲乙爍髓已枯雨金無術而此輩

篋胙公藏窟作于室來者不入入者必出其聚噉也
非一夕與一朝其剖萬也乃計百與計十櫓載者神
甚王而劊聞者股反粟敗露正賴其鴟張詰呵仍總
之鵠突調護有神箴結以力莊生不云乎通於一萬
事畢此賈傳之所以撫膺而尹卿但爲之閣筆更有
宿猾崇階盜魁登壘時附名節日鑿利孔竊五品之
簪笏亦效章疏捐千兩之奇贏敢叨褒寵久假不歸
有恃無恐延納亡命驕奢大奉極聲色狗馬之欲作

奸盜詐僞之備跡其趾至無忌憚發其竅但有懵懂
此尤兩觀之所不尸而五木之所亟萃至或爲親而
屈守正不渝遷于喬木收之桑榆少年聊復五十知
非引鏡自惡投筆見幾亦文亦俠亦酒亦詩旣遵數
馬之慎更做循墻之卑是則長松之拔蓬艾而野雀
之在羣雞千萬之內一二有之夫天下者 高皇帝
之神器間關百戰而成京師者今 皇帝之宸居輻
輳萬方之地天下未嘗不大萬方未嘗不庶操南音
者何以獨越人在下位者何以半越吏困窮暗受此
一方厓嬴坐視夫二豎夏商周末聞其人卽漢唐宋
亦無是處乃共委於裁制之不能而彼亦自負于官
府之必濟之二蟲者又何知而策蠱者不肯一爲之
計人有公心世有大義吾固不敢狗香火之情且誅
且勸而願附於春秋之罪

老酒豆酒賦

老似民豆似官民乃門類之通用官則席上之偏安

豆之佳者入聖。老之妙者猶仙。聖但知水之有力。仙則吞火而無烟。豆有花露之白。竹葉之青。翻翠濤于秘色。老有雪乳之香。凝霞之珀。瀉紅玉于春湍。重日守吾鄉。高曾之規矩。今聽他處名號之多般。米欲精。今泉欲冽。老不酸。今豆不甜。

糟賦

邈已代而匿影。酒亦行而遺魄。今日之事。糟為政矣。覺形穢于珠玉。冀德馨於黍稷。收六物之餘芳。逸五

徐伯鷹曰
言下大有
譏刺須臾
人計其饒

便耳

味之常格。皮相者謂粗而不臧。蘊求之乃物而多則何。張儀有舌。誤儕偶于韓。糠而輪扁得心。亦輕鄙夫。齊相宋弘。妻瘦不下堂。王戎子肥。但知覈彼。皆罔口實於其家。未嘗携食。經而適諸越。爾乃遭逢此地。美擅所長。穀靈水異。釀苾醞香。大會提挈。鬱積空桑。或以其酒。不以其漿。將馥幽其奪桂。更酷烈以擬薑。發玲瓏之孔竅。鬆呆實之塊腸。涅而不淄。第中牟以為。昨潔已可進。隨童子于互鄉。於是漉陶家之葛巾。覆

郭舍之寔。簾成。是南箕酌。以大斗馳驅。範我籍。劉伶之枕。而載寢之牀。入甕。請君頂。仲尼之尊。以三緘其口。老者安之。期悠久。以成物。陳力就列。必溫故。而知新。合氣於漠。全道之真。故聞之者。忻忻相告。見之者。咄咄逼人。舟車所至。王孫卒倒。而涎流。紛封乍啟。列子反走。而心醉。不知嗜欲。宜淺。用物取意。魚餒肉敗。一託宿而返。竟蔬食菜羹。但沾濡以得趣。隔紗度韻。小偷隣壁之光。良限薰心。畧傍權門之勢。虎頭畫活。

巧。不。過。其。傳。神。龍。角。羣。生。妙。全。在。于。乘。氣。若。必。備。之。獸。之。三。閭。不。免。於。汙。淪。而。徑。池。焉。丘。焉。獨。夫。遂。同。之。暴。棄。重。日。渣。滓。何。害。玄。箸。自。超。凍。飲。或。挫。奕。戰。且。麤。杜。萃。盤。而。憶。荆。俗。蘇。帶。蟹。而。賦。老。饕。吾。既。然。孔。羣。之。語。而。謂。其。有。騷。有。致。正。不。必。子。雲。強。爲。我。解。而。又。何。辭。于。一。字。之。褒。

醋賦

本。來。窮。大。此。道。熟。嘗。曾。鑄。字。于。數。城。因。譯。舌。於。四。方。

徐亮生日
此賦一成

五經補遺
然奈何
苛婦人也

伊華池之左味先冰壺而在傍日水日火日稻日色
日味日香潔必律於姑洗韻乃角於勾芒若夫大官
進御京口多槽入穀鬱發三黃沸熬菘臺蓼莫橙棗
葡萄久或欲其伏過誤亦喚夫臘交顧乃漿者多甘
酒者洵苦有名實之乖張有氣質之愚魯有寡婦之
厲烈有醜翁之厭腐各懷寶以迷其邦雖信美而非
吾土維茲靈水挹于秀壑麴君妙雅醕友灑落千甌
比素封之家百甕稟周官而作此固五齊七菹之調

和而實八珍七品之結束屈正則未嘗此羹蘇易簡
偶飲其汁文章龍肉漬玉甌之華雲仙藥鳳林鳴瑤
池之丹實薄盞初陳幽芬暗襲梅將望而口卽津檀
未焚而鼻先吸蓋其孕胎孤峻得氣澹玄溢如神瀣
泓若止淵貴人之相多癯清而帶厚解凍之風射腦
酸而不尖吾見其性主收斂致高風格佳唇薄試顰
畧妙於捧心騷客評章勝豈須夫縮額鹽豉未下屢
煩易氏之躊躇薑桂生芳賴有叛奴之澆潑合外內

隱名錯物
無不佳妙

道○故○時○措○之○宜○寧○不○得○其○醬○而○亦○且○或○乞○之○醢○所
以○爰○盍○不○忘○情○于○晁○錯○而○食○其○欲○快○意○于○陳○豨○者○也
若○夫○登○山○臨○水○人○既○醉○鄉○勞○其○筋○骨○病○在○胃○腸○當○斯
時○也○江○銀○飛○鱸○碧○玉○筍○長○負○鼎○要○割○烹○之○尹○盤○銘○成
放○桀○之○湯○共○放○飴○而○流○歎○亦○暢○快○以○徜徉○歌○曰○苦○酒
今○宜○我○二○韭○今○山○中○策○免○安○所○用○五○斗○今○一○勺○之○多
毋○入○彼○婦○之○口○今○彼○婦○之○口○可○以○出○走○今

莎角賦

稽○水○羅○紋○產○有○莎○角○性○寒○微○溫○味○甘○無○毒○菱○之○他○名
菱○之○右○族○族○雖○相○同○名○則○所○獨○晶○爽○內○苞○峽○嶷○四○觸
結○秀○于○半○畝○方○塘○奪○珍○在○千○巖○萬○壑○無○鉅○野○之○大○有
靈○池○之○寒○既○芳○潔○之○可○愛○亦○頭○角○之○嶄○然○爾○其○窠○叢
九○九○葉○布○田○田○根○藻○凌○波○悟○浮○生○之○若○寄○花○蘩○背○日
憎○世○路○之○趨○炎○賦○肌○妍○冷○標○韻○幽○鮮○缺○不○礙○灣○似○壁
月○之○幾○望○厚○微○盍○起○乃○吉○貝○之○相○連○珍○弄○琅○玕○斜○切
莎○車○之○玉○以○贈○充○國○黍○纏○絲○綵○亂○裹○三○危○之○露○而○啖

屈原拖萍帶荇。兄藕弟芡。蔗境遜佳。蒨心同艷。北蘋
可以方駕。南荔不知誰羨。宜鳧伯子之所常服。而楚
大夫之所命薦。是以唱歌采采。姝子仙仙。停橈汀畔。
結伴菰邊。或語或笑。又驚又憐。剝進玉膚。動朱唇之
灼灼。軟存風刺。撓素手之纖纖。游魚不忍去。立鷺亦
茫然。願在水而爲栗。永託質于嬋娟。則有高陽與侶。
謔浪公子。挈榼提壺。岸憤跋履。兩兩招搖。三三徙倚。
意不在酒。買菱到此。挑闌干。賴號呶不已。摘稀把蔓。

豈顧黃臺之痛賤。老貴少甚。有白登之耻。此漸角牙。
彼更靈覺。珮聲一鳴。翻然而作。留一水于月香。悵干
山之日落。鄭交甫於是懊焉。而陳思王爲之不樂。清
暉主人。閣寓其傍。探手可得出水。先嘗笑食色之多。
態感消歇之徒忙。興來獨往。聊寄徜徉。歌曰鏡潭兮
漣漪出水。羞兮凌翻雞。風不來兮浪息。嘗解后兮娛
嬉。勸渤海兮蓄凶蔬。愁莒公兮將及。敢夏食兮怨不
知。

古月臨松賦

崇禎己巳閏四月之望待詔都下山寺獨居天空如洗老月下來忽聞人語飛上松架作此

青。州。厥。貢。不。記。何。年。之。松。盤。古。以。來。僅。見。今。夜。之。月。
雖。良。媾。之。偶。清。匪。我。媒。而。弗。悅。天。方。學。水。不。難。其。靜。
而。難。其。湛。湛。之。深。風。更。猶。魚。不。當。其。困。而。當。其。圍。圍。
之。活。橫。空。織。翠。筵。一。隋。侯。之。珠。吊。碧。投。蟬。吸。百。萇。弘。
之。血。松。憐。月。寡。月。愛。松。節。境。已。入。於。杳。然。事。亦。叨。乎。

冷。絕。葉。鵠。莫。來。咽。片。語。而。較。多。佳。人。倘。玩。突。一。嘆。而。
成。媒。耿耿。愁。予。孤。狷。附。潔。二。老。若。不。我。三。則。請。退。而。
進。雪。

大頭和尚賦

若。夫。椒。盤。將。獻。火。樹。正。妍。人。物。續。紛。街。市。喧。闐。鉦。沸。
焉。其。若。驚。妖。異。下。而。闔。城。保。夜。鼓。惟。恨。其。不。破。日。月。
食。而。萬。井。救。天。爰。有。碩。顛。團。焉。斗。狀。得。大。頭。顛。示。權。
喜。像。一。以。爲。馘。俘。之。長。狄。一。以。爲。披。剌。之。方。相。爾。乃。

詩者不傳小品 卷一
盼眼迷離。察言所以觀色。朶頰涎媚。諂笑不必脅肩。
似鄉黨之驅讎。未執桃弧與棘矢。覺兒童之愛戴。爭
能鹿舞以胡旋。更有鮑氏之老。朱家之婢。同謗法華
之經。各假蘭陵之具。糊口飛頭。趁場作戲。三首煎熬。
肩間尺因而糜爛。兩肩慾障。鳩摩羅遂以破滯。咲言
啞啞。童稚忻忻。婦子嘻嘻。驕人好好。一國若狂。無門
不關。壯左道之無良。生少年之不肖。不知禍惟人召。
谷以物徵。大邑通都。見元首之叢脞。星前月下。亦兩
目之可憎。作備之義。禪機但有取於月明。惑衆之條。
象教實關。夫風俗何角抵。不可調調。而必以東垣監
稅所遭之疫相爲逐逐。亦孔之醜。有嘉折首。敢告司
刑。革言三就。

罕山靈福寺松賦

京西之松。古妙百出。竒如報國。巧如海淀。不過容
悅爲事。卽無如此寺之松。森嚴跳跌。令人起愛。起
敬。幸在荒僻。得以領風友月。而免於溲渤馬通之
溷。予方賀其千年。不意寇至夷其一股。此松驟見
予還。潛然淚下。幸有疇昔之賦。爲凡傳神。猶是黃
綺未出商山時也。

有會稽大然先生。挈其季脩業於京西罕山靈福之寺。見百尺之松。年或長矣。狂恠笑號。先生曰。快哉此松。所謂猶龍者耶。季其賦之。季曰。唯唯。覈品物於玉策。閱抱朴之丹經。想青犬之吠壽。作醉霍之翹英。體懽。傜而歆。曳精幽結。以繪真頂。從天兮。掠地肢。攫壑乎。挈雲。亭亭羅羅。帝衣層蓋。團團楚楚。佛髻螺黛。萬鬢不剪。投入空門之中。百節皆靈。睨傲長安之外。肱揮脚踢。胡旋女拜。盆盎之蓄宛然。石泉之蔭更在。至

其通風也。蘋末灑灑。以徐引。溪簾涓涓。乎續派囊口。一怒激熒。澎湃布挂。匡以騰翻。弩射潮而反敗。耳無絲肉之塵。夢入雨湘之吟。若夫月影橫差。水亂藻荇。鐘驚宿鳥。人如魚泳。又或積雪皚皚。同雲靉靆。玉銀俱惡。素青綠彩。當斯時也。有琴不絃。有火無烟。骨發明兮。琳慄意恍。惚乎嬋娟。許長阪之周穆。小孤撫之陶潛。只書聲其琅琅。亦凌氣者仙仙。先生曰。美矣。盡矣。此靈蟲之長也。而木其服。皈依法王。永不思俗。色

香從三世以空離。動植皆一家之眷屬。吾與子弟同。其歲寒之心。而且領其孤來之沕穆。

雪中玄崔賦

英山石也得之凌江郡堂。携置中堂。門生朱子蒙玄有賦醉中走筆答之。

崔千年而始玄。又千年而化石。傳神者先得其影。乘氣者不離其質。有英山之痊仙。占梅嶺之郡席。見謔老而一哈。遂戢翼以俱來。笑入千巖。萬壑之地。舞于三槐。入桂之堦。乃藉金輪。託掌日月。兩丸之磐石。承以玉女洗頭蓮花。十丈之靈臺。假雞羣以表翼。敵鳳

覽以菴翹。天公恐其不悟。命瑤師兮與素披。太白之編裳。果西洋之繼布。崔乃吮焉。其若喪而憬然。其如訴。不曰堅乎。不磨何磷也。不曰白乎。不涅何淄也。儀封人未嘗不得見。而君子之至于斯也。西白也。而今守黑。南雄也。而今執雌。吾友朱子。秉簡而前。酒堪五斗。賦有千言。靈文奇妙。香墨鮮妍。王子曰。莊周之蝶。卽乃公之崔也。千百化身焉。知非子交臂失之。覩面得焉。是耶非耶。然乎不然。然乎子何以示白。不然乎。

劉迅侯曰
其實訴審
覺脚地天
空海湖若
青藤道人
及見杞臂
入林烹螺
引魯跳在
飛來塔上
矣

唐成六曰
文部官貴
有此聚寶
之囊

子何以疑玄。吾不願子之華表。而且願子以乘軒。
囊無一釐賦。

繡襦。星屑在澁。可羞窮無奈。洪範極蒙莊態。婦子
彈指。僕夫竊嘅。逋索者迫償。謂乃公無是事。干謁者
與訴。曰不與不與耳。何作此不情之媿態。余亦批心
而自疑。豈其留一錢而猶介。不知剝復盈虛。乃祿命
之偶然。有無繼續。皆物理而何恠。萬千典守。轉輸曾
備。輓轡什伯。養廉積糸。難辭揉滿。才有所長。性有所

短見。阿堵則眉顰。值算緝每意懣。壯鼠雀而不問。耐
狐虎之橫欺。監殷不能逆。管叔逃墨。空自學孤齊。更
賅伯甘愚。而過厚兼。右軍不節。以相遺。苦一縷熱腸
之繆勉。難四方冷面之推支。迨請給之紛然。纔探囊
而烏有。於是北門大夫。與嘆埤益。且貧東郭先生。追
恨待詔之久。動作何一非金錢。取償似已皆瓦缶。盜
矜五女。卽有蘊以五空。饑念八男。雖云家而八口。固
我艱之自賦。實作法之未工。羗人毛之不拔。何吾手

請看文館小品 卷一
之獨鬆無長愁以對日反大笑而生風咏杆軸之二
東坐文章之九命彼公腸之勾給憑帝膳而頓委更
陋巷之貧顏請師車而必斬一斟一酌皆真宰之默
讐一絲一毫非意必之可勝已焉哉粟不須握鉄不
用彈山水之富堪敵國讀書之樂且素餐半點機心
今相忘於扁鑰數宵清夢幸不近乎糞棺解脫哉此
囊當遺子孫如劉裕之衲襖與耕具吾盡空諸所有
歌金石而睡孰軒

五層樓賦

有引

原名鎮海 國初永嘉侯朱亮祖所建歲久頽蝕
幾殆今左伯姜公毅然捐俸數百緡修葺煥然盡
復其始適余萍游至此公置譙高會招同大叅唐
公觀察水公皆余舊知交莫逆驚鬚鬢之久睽喜
晤言之巧邁造極登顛酒酣情摯命余賦之夫登
高作賦大夫所長余何人斯敢操不律然落霞秋
水雖無風送之天木而楚奏越吟則同人情之懷
土吾家二妙美擅龍轡緣遇三生勉成貂續但恐
觀吾賦者相掌柳榆併將此樓槌碎耳所望
二三大夫愛其醜而覆之詭可也

伊層樓之傑峙夙稱霸於南武肇行師以建侯有永
嘉之亮祖截雲脉以維城左粵秀乎翺舞壯山河之

百○二○準○天○地○之○數○五○儼○維○嶽○之○降○神○實○聖○作○而○物○覩○
爾○其○村○庀○威○金○棟○隆○以○鐵○文○杏○慙○剛○木○蘭○遜○潔○翼○翼○
桓○桓○明○明○赫○赫○步○之○而○鎧○鞞○有○聲○登○之○則○駘○盪○失○色○
坐○虎○豹○而○視○蛟○龍○蹴○天○海○以○九○日○月○千○門○萬○戶○燈○火○
紛○其○燭○光○三○島○十○洲○冠○裳○被○於○窮○髮○咸○休○與○國○法○成○
周○誓○山○之○盟○獨○立○不○懼○比○大○漢○相○風○之○闕○至○於○縱○睥○
千○里○再○上○一○層○剛○浸○而○長○亦○曰○咸○臨○戴○三○履○一○進○乎○
允○升○二○猶○不○足○氣○已○駁○駁○及○其○定○之○方○中○三○爻○乾○惕○

木○火○上○通○金○土○下○襲○水○德○安○寧○洵○濤○自○戢○可○叫○可○天○
五○皇○中○極○若○夫○或○之○疑○之○乃○在○九○四○有○餘○不○盡○雍○容○
需○次○三○公○雖○高○一○介○俯○視○冰○競○至○此○益○不○可○肆○等○而○
陟○之○五○位○承○昊○太○上○獨○前○層○居○歲○首○壽○領○福○先○闔○闔○
雄○題○俱○拱○衛○乎○連○帥○郊○原○丘○垤○若○羅○列○夫○兒○孫○卑○薄○
無○情○笑○通○江○之○一○柱○漸○高○則○隘○陋○合○塔○以○成○尖○呼○鷹○
紀○雀○名○雖○韻○而○事○戲○麗○譙○井○幹○徒○積○木○以○生○烟○詎○若○
茲○樓○命○名○雅○正○海○內○無○公○於○斯○隻○盛○則○有○秘○圖○公○子○

黎美周日
王子安滿
肚皮文章
本爲度嶺
乃出蚤被
閩都督邀
之於路今
始得季重

先生爲補
此段因緣
反老還童
家雞依然
三少標樓
敵閣仙人
應好五層

中書行省文星避斗方岳司秉整劣煥新捐銀割廩
顏勝穩佳止觀振醒忌高語以和崔陰止捷足以裁
駒景此皆自卑牧下藏于不敢之經而亦躋聖入神
仰若彌高之慄不知者謂世法緣督之困心而知者
以爲立地證修之灌頂爾時布于羽飭戎伍啓魚鑰
鳴鼉鼓鮮綺席豐燹俎淪石乳之諸香薦冰芽之一
縷桃花飛雨引萼綠與嬌黃虬炙消靈伴玄禾於海
和則有九鯉仙班四明才客或閱樓船或司兵革眷

范叔之綈袍爲王生而結襪函其狂醉受以簡札子
盍賦之諾諾唯唯不成文幾幾格格乃頌言之曰
二三大夫以樓重乎重此樓乎斯固象魏之支封而
闔闔之分御也物大者衆歸望隆者目聚南面而立
以奉百谷之王負北端臨居然南海之帝蠻嵐蛋瘴
下燭遠於五輦龍戶馬人各綃輪乎千雉雖規模宏
遠專甲觀夫番禺而血氣尊親實辰拱乎燕薊豈非
于丈夫旬宣屏翰同心玉轂之功抑共此地人文館

閣中臺一氣金莖之儷登眺既酣徘徊四顧五羊已
去扶搖角轉乎丹梯楚相無聞勝蹟名存其高固通
仙靈而挹珠彩願領羣公一日之歡受景福而酌兕
觥但祝天子萬年之祚

坑廁賦

雖廁亦屋雖屋亦清惟越所有

性喜曠放不樂械窬學禁未成與潔則宜嘔武林糞
膾之函至蠕動猶奉容愁京邸街巷作溷每昧爽而
攬衣不難隨地宴享極苦無處起居光訪優穆或內

何書臺曰
化出禱音
道在屎溷
無就穢之
司一字不
肯饒人

通而不可待禪謀謀野又路遠莫致之惟吾鄉黨之
便便幾于夏屋之渠渠貯以清泠甃之文石區以別
矣各適其適紫姑是迎淮南堪謫雖香非金谷難驚
劉實之尻亦無庸果下舞陽用塞王敦之鼻周寢廟
而視其偃管寧當爲整冠賦三都以需其次左思不
妨着筆然而壅斷者門如市有賤丈夫夫焉僻違者心
似水則亦君子之所可及重曰大畜小畜解之時義
大矣一解兩解有所不用其極